

**Pakatan kemarau idea baru, ancam peluang ke Putrajaya**  
**The Malaysian Insider**  
**15 Januari , 2012**  
**Oleh Yow Hong Chieh**

Analisis 15 Jan — Selepas lebih setahun memperkenalkan Buku Jingga, Pakatan Rakyat kini bergerak sedikit selepas mengadakan konvensyen di Pulau Pinang tahun lalu.

Dengan tidak lagi mengetengahkan langkah-langkah berani dalam Bukut Jingga, Pakatan Rakyat kelihatan kurang memandang serius semasa konvensyen kali ketiga di Alor Star semalam dengan hanya menawarkan idea sama seperti buku reformasinya itu.

Ini adalah bukti paling jelas dalam keputusan Pakatan Rakyat apabila memperbaharui empat polisi dalam perancangan 13 bulan sebagai "Tawaran Jingga", diiringi dengan ucapan-ucapan yang baik selain menjaja kejayaan-kejayaan di negeri pimpinan pembangkang.

Mungkin Pakatan Rakyat berasa bangga dengan pembebasan pemimpinnya Datuk Seri Anwar Ibrahim, daripada berusaha menyelesaikan isu-isu utama yang sering melanda parti perikatan itu.

Isu yang gagal diselesaikan

Pembentukan Kabinet bayangan, yang dijanji akan ditubuhkan Anwar pada 2009 semasa pilihan raya kecil Bukit Gantang sehingga kini masih menjadi persoalan.

Pakatan Rakyat berdepan dengan pelbagai masalah sejak mengumumkan perkara itu, dengan sumber mengatakan ia adalah sebab Pakatan Rakyat tidak boleh membentuk Kabinet yang selari.

Juga isu yang gagal dijawab adalah soal hudud, yang mana mempunyai pelbagai insiden dan menepis hubungan mesra antara pejuang Islam PAS dan sekular, majoriti kaum Cina DAP.

Walaupun kedudukan amat bahaya namun Pakatan Rakyat tetap bersama, mengungkit semula perpecahan Barisan Alternatif — gabungan pembangkang pada 2001.

Suara lantang yang menjadi perhatian adalah Pengerusi DAP kebangsaan Karpal Singh semalam: "Kita mesti selesaikan isu hudud dengan segera. Jika tidak, kita akan berdepan dengan masalah."

Pihak satu lagi

Barisan Nasional (BN) berusaha keras untuk mematahkan sokongan kepada Pakatan Rakyat dengan melakukan reformasi mengenalpasti demografi pengundi baru.

Pentadbiran Najib juga turut memberi perhatian kepada penduduk luar bandar dan miskin tegar dengan memperuntukkan jutaan ringgit walaupun berdepan dengan inflasi yang meningkat.

Sementara pembangkang telah menembusi tembok-tembok penting seperti Negeri Sembilan dan sebelah timur Malaysia, seperti Kelantan di mana Datuk Nik Abdul Aziz Nik Mat sudah menjadi Menteri Besar sejak 20 tahun lalu atau Kedah yang dilihat saingan paling lemah.

Menurut penganalisis, Perak kekal menjadi keutamaan, di mana BN telah bekerja keras untuk mengukuhkan cengkaman di negeri itu dan mengambil alih pentadbiran pada 2009, setahun selepas tewas pada pilihan raya 2008.

Ke mana selepas ini

Pakatan Rakyat perlu bergerak untuk mencapai lebih banyak kejayaan sebagai bukti dan menyelesaikan isu-isu utama daripada membazirkan masa peluang kedua yang diberikan.

Parti komponen mesti duduk bersama dan mencari kesepakatan, mengemukakan masalah daripada membiarkan begitu sahaja, supaya boleh bergerak ke depan dengan matlamat yang jelas.

Jika mereka tidak boleh melakukan untuk diri sendiri, sekurang-kurangnya lakukan untuk pengundi yang ingin tahu tentang perjanjian tiga parti itu : "Tetapi apa yang akan terjadi selepas itu?"

Tetapi dengan pilihan raya yang semakin hampir, hanya masa yang akan menentukannya, mungkin agak terlambat untuk Pakatan Rakyat yang mengadakan konvensyen terakhirnya sebelum pilihan raya umum dengan matlamat yang salah.

The Malaysian Insider

Hakcipta © 2012 The Malaysian Insider

Source: <http://www.themalaysianinsider.com/bahasa/article/pakatan-kemarau-idea-baru-an-cam-peluang-ke-putrajaya/>